



საქართველოს იუსტიციის უმაღლესი საბჭო

ქ. თბილისი № 1/56

“ 17 ” ივნისი 2021 წ.

ბ ა ნ კ ა რ ბ უ ლ ე ბ ა

ნ. ზუსკაძის თბილისის საქალაქო სასამართლოს ადმინისტრაციულ საქმეთა კოლეგიის მოსამართლის თანამდებობაზე უვადოდ გამწესების შესახებ

„საერთო სასამართლოების შესახებ“ საქართველოს ორგანული კანონის 36-ე მუხლის მე-4 და 4¹ პუნქტების საფუძველზე და საქართველოს იუსტიციის უმაღლესი საბჭოს მდივნის თანდართული დასაბუთების შესაბამისად, ნათია ზუსკაძე 2021 წლის 18 ივნისიდან გამწესდეს თბილისის საქალაქო სასამართლოს ადმინისტრაციულ საქმეთა კოლეგიის მოსამართლის თანამდებობაზე უვადოდ, კანონით დადგენილი ასაკის მიღწევამდე.

ნინო ქადაგიძე

საქართველოს უზენაესი სასამართლოს თავმჯდომარე
საქართველოს იუსტიციის უმაღლესი საბჭოს თავმჯდომარე

დასახუთება

ნათია ბუსკაძის თბილისის საქალაქო სასამართლოს მოსამართლის თანამდებობაზე დანიშვნის თაობაზე

„საერთო სასამართლოების შესახებ“ საქართველოს ორგანული კანონის 35-ე მუხლის საფუძველზე საქართველოს იუსტიციის უმაღლესი საბჭოს მიერ 2021 წლის 22 თებერვლის №1/6 გადაწყვეტილებით გამოცხადდა მოსამართლეობის კანდიდატთა შესარჩევი კონკურსი საერთო სასამართლოების სისტემაში არსებულ ვაკანსიებზე. მათ შორის თბილისის საქალაქო სასამართლოს ადმინისტრაციულ საქმეთა კოლეგიის მოსამართლის 7 ვაკანტურ თანამდებობაზე.

კანდიდატთა რეგისტრაცია მიმდინარეობდა 2021 წლის 23 თებერვლიდან 9 მარტის ჩათვლით. მითითებულ ვაკანსიაზე დარეგისტრირდა 24 კანდიდატი.

მოსამართლის საქმიანობის შეფასების მართვის დეპარტამენტის მიერ კონკურსში მონაწილე კანდიდატებზე, მათ შორის ნათია ბუსკაძეზე მოძიებულ იქნა „საერთო სასამართლოების შესახებ“ საქართველოს ორგანული კანონის 35² მუხლით გათვალისწინებული ინფორმაცია, რომელიც იუსტიციის უმაღლესი საბჭოს წევრებს წარედგინათ 2021 წლის 29 მარტს.

კანდიდატის შესახებ მოძიებული ინფორმაცია:

ნათია ბუსკაძეს აქვს სპეციალობით მუშაობის 18 წლისა და 3 თვის, მათ შორის მოსამართლედ მუშაობის 8 წლისა და 5 თვის გამოცდილება. იგი საერთო სასამართლოების მოსამართლეა 2012 წლის 16 ოქტომბრიდან. ნათია ბუსკაძე სხვადასხვა დროს მუშაობდა საქართველოს იუსტიციის სამინისტროსა და საქართველოს უზენაეს სასამართლოში სხვადასხვა თანამდებობებზე. ამჟამად არის თბილისის საქალაქო სასამართლოს ადმინისტრაციულ საქმეთა კოლეგიის მოსამართლე.

ნათია ბუსკაძეს აქვს საქმეთა განხილვის კარგი მაჩვენებელი როგორც პროდუქტიულობის, ისე სტაბილურობის კუთხით. მოდვაწეობის ბოლო 3-წლიან პერიოდში დასრულებული აქვს 1680 საქმე (საშუალოდ დღეში 1,7 საქმე), ხოლო გასაჩივრებული გადაწყვეტილებებიდან უცვლელი დარჩა საქმეთა 85,5%. ნათია ბუსკაძეს აქვს საქმეთა განხილვისას საპროცესო ვადების დაცვის საკმაოდ მაღალი მაჩვენებელი, კერძოდ, მას საქმეთა 84,7% განხილული აქვს საპროცესო ვადების დაცვით.

მოსამართლედ მუშაობის პერიოდში მის მიმართ არ დაწყებულა დისციპლინური დევნა, არ ყოფილა გამოყენებული დისციპლინური სახდელი ან დისციპლინური ზემოქმედების ღონისძიება.

ნათია ბუსკაძე არის იუსტიციის უმაღლესი სკოლის მსმენელთა მენტორი მოსამართლე.

კანდიდატთან გასაუბრება:

საბჭოს წევრების მიერ კანდიდატების შესახებ მოძიებული ინფორმაციის გაცნობის შემდეგ დაინიშნა კანდიდატებთან გასაუბრება. საბჭოს წევრები კანდიდატ ნათია ბუსკაძეს გაესაუბრნენ 2021 წლის 18 მაისს. გასაუბრება წარიმართა ღია სხდომაზე და მას ესწრებოდა არასამთავრობო ორგანიზაციის წარმომადგენელი.

კანდიდატის შეფასება:

2021 წლის 7 ივნისიდან 11 ივნისამდე პერიოდში იუსტიციის უმაღლესი საბჭოს 12-მა წევრმა კანდიდატი ნათია ბუსკაძე შეაფასა კომპეტენტურობისა და კეთილსინდისიერების კრიტერიუმების მიხედვით.

ნათია ბუსკაძის კეთილსინდისიერების კრიტერიუმით შეფასებისას, საბჭოს შემფასებელმა 11-მა წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს, ხოლო ერთმა წევრმა მიიჩნია, რომ აკმაყოფილებს.

საბჭოს წევრთა მიერ ნათია ბუსკაძის კომპეტენტურობის კრიტერიუმით შეფასებისას ამ კრიტერიუმების მახასიათებლების მიხედვით კანდიდატის მიერ მოპოვებულმა ქულათა ჯამმა შეადგინა 1009 ქულა, რაც ქულების მაქსიმალური რაოდენობის 84,08%-ია.

კენჭისყრის შედეგები:

2021 წლის 17 ივნისს თბილისის საქალაქო სასამართლოს ადმინისტრაციულ საქმეთა კოლეგიის მოსამართლის პირველ ვაკანსიაზე ჩატარებული კენჭისყრის შედეგად, რომელშიც მონაწილეობა საბჭოს 12-მა წევრმა მიიღო, ნათია ბუსკაძემ მოიპოვა 11 ხმა.

აღნიშნულ ვაკანსიაზე ბიულეტენში შეყვანილ იქნა 24 კანდიდატი, მათგან 6 მოქმედი პირველი ინსტანციის მოსამართლე, 1 ყოფილი მოსამართლე და 17 იუსტიციის უმაღლესი სკოლის ყოფილი მსმენელი, კერძოდ:

- | | |
|----------------------------------|--------------------------------------|
| 1. ბუგიანიშვილი ვალერიან - 0 ხმა | 13. მაკარაძე დავით - 0 ხმა |
| 2. ბუსკაძე ნათია - 11 ხმა | 14. მერაბიშვილი ნათია - 0 ხმა |
| 3. გზირიშვილი ალექსანდრე - 0 ხმა | 15. ოზოლაძე ეკატერინე - 0 ხმა |
| 4. გოცირიძე ვოხა - 0 ხმა | 16. სამხარაძე სალომე - 0 ხმა |
| 5. ელიაძე ეკატერინე - 0 ხმა | 17. ტყეშელაშვილი ირინე - 0 ხმა |
| 6. ენუქიძე ნინო - 0 ხმა | 18. ტყეშელაშვილი რომეო - 0 ხმა |
| 7. ზვიადაძე გიორგი - 0 ხმა | 19. ფოლადიშვილი ლიელა - 0 ხმა |
| 8. თოდუა უჩა - 0 ხმა | 20. ყოლბაია ლევან - 0 ხმა |
| 9. თუნაური გიორგი - 0 ხმა | 21. ჩიკაშუა ირაკლი - 0 ხმა |
| 10. კალანდაძე თეა - 0 ხმა | 22. ჭილაია კოტე - 0 ხმა |
| 11. კაპანაძე თორნიკე - 0 ხმა | 23. ჯავახიშვილი მათა - 0 ხმა |
| 12. კაჭაშვილი ლიანა - 0 ხმა | 24. ჯინჭველაშვილი ეკატერინე - 0 ხმა. |

1 ბიულეტენი გაბათილდა.

დასკვნა:

კანდიდატ ნათია ბუსკაძის კეთილსინდისიერების (საბჭოს 11-მა წევრმა მიიჩნია, რომ იგი სრულად აკმაყოფილებდა აღნიშნულ კრიტერიუმს) და კომპეტენტურობის (სამართლებრივი დასაბუთების უნარის, სამართლებრივი ნორმების ცოდნის, წერის უნარის) კრიტერიუმების გათვალისწინებით, კენჭისყრის შედეგების საფუძველზე, სხვა კანდიდატებთან შედარებით უპირატესობა მიენიჭა და შესაბამისად, თბილისის საქალაქო სასამართლოს ადმინისტრაციულ საქმეთა კოლეგიის მოსამართლის თანამდებობაზე უვადოდ, კანონით დადგენილი ასაკის მიღწევამდე განწესდა ნათია ბუსკაძე.

ნიკოლოზ მარსაგიშვილი
საქართველოს იუსტიციის უმაღლესი საბჭოს მდივანი

